

سنه لکی درسعات ایچون مجیدیه
یکرمی غروش حسابله التمش
غروشدر

منره ایچون بوسته اجرئی اوله رف
اون بش غروش ضم اولنور

نسخه سی ٤٠ پاره در

فکرانیه محاکمه علییه

آبونه اولقی ایستیلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

توقیحات

طرابلس غرب ولایتی استیناف محکمه سی مدعی
عمومیلکی ولایت مذکوره مرکز بدایت محکمه سی
حقوق دائره سی رئیس رفعتلو عثمان صائب افندی به
تفویض بیورلمش ومومی الیه ذاتاً مخلف بولنمشدر .

درسعات بدایت محکمه سی مستنطق اعضاسندن
سعادتلوصدرالدین بک افندی حضرتلرینه ترفیعاً
رتبه اولی صنف اولی

استنطاق دائره سی ضبط کتبه سندن عزتلو سامی
بکه ترفیعاً رتبه ثانیه صنف ثانیسی توجیه بیورلمشدر .

نشان

درسعات استیناف مدعی عمومیس فیضیتلو
نجم الدین بک افندی حضرتلرینه خدمات صداقتکا -
رانه سنه مبنی برنجی رتبه دن نشان عالی عثمانی عنایت
واحسان بیورلمشدر .

تبلیغات

طرابلس غرب ولایتی داخلنده شاطی قضاسی
قائم مقام وکیل ایکن وظیفه مأموریتی سوء استعمال
ایلمسندن طولانی مظنون اولان محمد بیله افندی نیک
مرجع محاکمه سی حقنده مجلس اداره ولایت هیئت
اتهامیه سیله عدلیه مستنطق بینلرنده تحدت ایدن
اختلافی متضمن اوراق اوزرینه شورای دولت
اختلاف مرجع انجمنسندن ویریلان مضبطه ده : ولایت
مذکوره هیئت اتهامیه سی مضبطه سنده خصوص
مذکوره دائر فزان سنجاجی بدایت محکمه سی مستنطقی
طرفندن یازیلان قرارنامه ده محمد بیله افندی حقنده
برشی دینلمیوب رفقاسی اولان اون بر شخصک
جنجه ایله لزوم محاکمه لرینه قرار ویرلدیکی کوسترلش
ایسه ده مرقوم محمد بیله افندی ابن عروسک قتلنده

قاتلیری تحری ایتمه رک فعل قتلده مداخله سی اولمیان
مرعی بن صرا به بی پاره المق فکریله حبس ایلدیکی
وادری و تسمان اهالیسندن بلاسند اوج بیک غروش
و حاونه قبیله سی رئیس شیخ غشیرون بساط و اهالیدن
رشوت الهرق حقلرنده امر حکومتی اجرا ایتمدیکی
وکوار مصارف سفریه سی نامیه شاطی عربانندن
تحصیل ایلدیکی مبالغدن بر قسمتی اقباسندن عزیز
بن هواد ایله مال کتیرمک اوزره طرابلس کوندر دیکی
ولطرون قاجیران ابوبکر بن عایه دن ارتکاباً ردوه
الهرق نخلیه و کوار مصارفی نامیه اهالیدن بر چوق
پاره تحصیل ایتک وغدر واعتسافیه اهالی نی رنجیده
ایلک کبی احوالیه وظیفه مأموریتی سوء استعمال
وبرطاقم ساده دلانی اغفال ایدوب باشه طویلادینی
عربان و اهالی ایله بعض کونه او یغونسزلقده بولندینی
وبو جرائمی افراد ایله مشترکاً ایقاع ایلدیکی جهته
حقنده لازم کلان تحقیقات و محاکمه نک اجراسی محاکم
عدلیه ده عائد اولدیغندن قرارنامه مذکورک فسخیه
اوراقلک جهت عدلیه ده تودیغه و شاید افراد ایله
مشترکاً ایقاع ایلدیکی جرائمندن طولانی عدلیه ده
منع محاکمه سنه قرار ویریلور ایسه مأموریتسندن
منبع جرائم حقنده ملکیه جه تعقیباته دوام اولنقی
اوزره اوراقلک ینه مجلس اداره ده تودیغه وعدلیه
مستنطقنک قرارنامه سی مألنده دخی افراد اهالیدن
اولانلرک و قبیله محلنجه مجازات جسمانیه و نقدیه
محکوم اولدقلری فزان نایبک ١١ ایلول سنه ٣١٨
تاریخی تحریراتندن اکلشلدیغه وشو حالده قضیه
مذکوره اولجه حقنده برشی دینلمامش اولان قائم مقام
وکیلنه انحصار ایلدیکنه بناء مرقوم محمد بیله افندی
حقنده کی تحقیقات و محاکمه نک اجراسی محاکم اداره ده
راجع اولدیغه قرار ویرلدیکی کوسترلش اولدیغندن
اوراق مرقومه نک تودیغه ایقراضی تمیز مدعی
عمومیلکنندن استفسار اولنهرق یازیلان مطالعه نامه ده
افراد اهالیدن اولانلر و قبیله فزان مجلس اداره سنده
بالحا که محکوم اولوب دعوی یالکز محمد بیله افندی به
انحصار ایتش ایسه ده رشوت اخذی کبی مرقومک

مظنون اولدینی جرائم سائر نک اکثریسنده افرادک
اشتراکی اولمسنه نظراً مرقوم حقنده لازم کلان
تحقیقات و محاکمه نک اجراسی جهت عدلیه ده عائد
اولدیغه دائر ملکیه هیئت اتهامیه نک قراری موافق
قانون اولوب انجق افراد ایله مشترک اولدینی جرائمندن
طولانی جهت عدلیه ده منع محاکمه سنه قرار ویریلور
ایسه جرائم سائر سندن طولانی تعقیبات قانونیه
اجرا اولنقی اوزره اوراقلک تکرار مجلس اداره ده
تودیغه دائر اولان قرارده اصابت قانونیه کوریه
مدیکندن جرائم متعدد نک جمله سی حقنده توجیداً
معاملات لازمه قانونیه اجرا اولنقی اوزره اوراقلک
جهت عدلیه ده تودیگی تذکر قلندینی افاده
وموجبجه عدلیه نظارت جلیله سندن محله تبلیغ
ماده قلنمشدر .

دیون عمومیه اداره سنه مودوع اعشاردن طولانی
تفوض اولنوب هنوز خزینیه دور ایدلمیان املاک
واراضی قرار مخصوصه تابع اولقی و اجرا دائره لرجه
اصحابی نامه صائلقده اولان املاک و اراضی دخی
کافی السابق تقدایله مزایده ایدلمک اوزره دوائر
مذکوره دن هنوز دور ایدلمیان املاک و اراضیدن
ماعداً ملتزمین ایله کفیللرندن مقدما دولت نامه
تفوض اولنوب خزینیه نک تصرفنده بولسان بیوک
وکوچک بالعموم املاک و اراضی بدلاتی تجهیزات
عسکریه مرتباتی بالاستثنا التمی و اوجیوز سنه سندبری
اولان و مالیه موازنه سنه داخل بولسان هر نوع
مأمورین و محتاجین معاشایله عقوددن وجهات
سائر دن متولد بالجله مطلوبات ایله محسوب اولنقی
وبوزده اونی تقدماً استیفا ایدلمک اوزره بالزایده
طالبلرینه احاله سی اراده سنیه جناب خلافتیناهی
اقتضای عالیسندن بولنسنه ورو ولایت داخلنده کی
املاک و اراضینک ولایات سائر مال صندوقلرنده
وخزینیه جلیله ده مطلوبی بولسانلرک مطلوبانی ایله ده
اجرای محسوبی تشویش قیودی موجب اوله جنی
جهته خزینیه جلیله نک یالکز مرکزده کی دیونی ایله

ولایتده کی املاک و اراضی بدلتنک محسوسی هم
خزینة جلیله دیونک تسویه سی همه املاک و اراضی
مذکوره طالب بولنسی تسهیل ایده چکنه بناء
سلامت جریان معامله تأمین ایدلش اولق اوزره
بو بولده طالب اوله جلقرک اول امرده مطلوباتی مین
سرکیلرک خزینة با علم و خبر تسلیمندن صکره تسلیم
اولنان مقدار ایچون طالبک بی قبول ایدلک و شاید
سرکیلری خزینة تسلیم ایدنرا ایچنده املاک و اراضی
اله مینار اولور ایسه مدت قلیله ظرفنده کندیلرینه
اعاده قلمق و مدت مزایده اوج ماهی تجاوز اتمامک
اوزره مآذونیت اعطاسی حقدده مجلس مخصوص وکلا
قراریله سبق ایدن تبلیغه جیوابا مالیه نظارت
علیه سندن بالورود مجلس مذکورده مطالعه اولنان
تذکره ده املاک و اراضی مذکورده نک صورت
احاله سی حقدده کی امر و فرمان هایون ملوکانه بونلرک
بدلتندن یوزده طقساه مقابل اوچوز سندن بری
اولان و مالیه موازنه سنه داخل بولنان هر نوع
مأمورین و محتاجین معاشاتی و عقوددن وجهات
سارندن متولد بالجه مطلوباتیله محسوب اوله جغنی
متضمن بولنسنه کوره مطلوبات مذکورده دن خزینة
جلیله جه سرکی به ربط ایدلنلر مقابلنده املاک تفوضی
طلب ایدلرکی حالد مذکور سرکیلرک خزینة جه
قبولی و مقابلنده هانکی ولایت داخلنده املاک
احاله سی طلبنده بولنیور ایسه ینک قبولی ایچون
محلنه تبلیغات اجرایی جای تردد اولیوب انحق
دواثر مختلفه تخصیصاتی میاننده بولنان مطلوباته مقابل
دواثر مذکور سرکیلرک خزینة جه قبولی مخدوردن
سالم اولیه جغنی جهته بو خصوصده کی معاملات قلمیه
وقیدیه نک صورت اجرانجه بعض تدابیر اتخاذی
ضروری بولنش و چونکه خزینة عهده سنده بولنان
املاک و اراضینک ایکینوز بیک لیرا درجه سنده قیمتی
حائز اولدنی تخمین ایدلکده اولوب بونلرک برمنطوق
امر و فرمان هایون شاهانه یوزده اون نقد و طقسائی
سرکی و قویون و سازه قبولی صورتیه فروختی
حالنده بو قیمتک اوج مثلی درجه سنده دیونک
اطفاسی مستلزم اولدقدن ماعدا خزینة ده بر مقدار
نقد کیره چکی و املاک و اراضی مذکورده نک و برکو
واعشارندن کلی استفاده ایدیه چکی جهته دواثر
سرکیلرک دخی قبولی موجب منفعت کورنمش
اولقله دواثر مختلفه تخصیصاتی میاننده اولان
سرکیلرک دواثر متعلقه سنه تسلیمیه مقابلنده و برکو
بوردروری کی مطلوبک سنی و مقدار اصلی الیه
توقیفاتی حای و دواثر لرنندن مصدق بوردرور
قبولیه مقدارینک احاله ایدیه جک املاک هانکی

ولایتده ایسه اورابه اشعار کیفیتله اکا کوره مزایده
واحاله نک اجرایی و بووجهله احاله ایدیه جک
املاک بی سورمک اوزره مطلوبلرینک انبانی
ضمنده خزینة جلیله به احاله ایچون بوردرورلرک تصدیق
طلب ایدلرکی حالد اصحاب مطلوبک باستدعا خزینة به
وقوع بوله جق مراجعتلری اوزرینه خزینة دن واقع
اوله حق اشعاره کوره یلرندن سرکی و صورتلرک قبولیه
مقابلنه خزینة دن اعطا اولنان مطبوع بوردرورلرک
تصدیق و خزینة جلیله دن اشعار و وقوعه و اولجه
ورلش بوردرورلرک استردادینه قدر سندات و سرکیلرک
معامله محسویه سنک ایفا و احسانه اعاده ایدلسی
لرورمک دواثر متعلقه به ازباری و شو قدرکه بعض
دواثرک بعض ستهلر تخصیصاتی خزینة جه نقداً
و حواله تمامیه تسویه ایدلش اولسله تخصیصانده
مطلوب اولدنی حالد اوسنه لره عائد سرکی قبول
بوردرور تصدیق ایدلناسنک علاوه اشعاری
و کیفیتک خزینة لره ده اعلان ایدرلمسی و کرک بولده
دواثر لرنندن مصدق اوله رق باستدعا خزینة به تسلیم
اولنه جق بوردرورلرک و کرک خزینة عائد اولوب
کذلک باستدعا تسلیم ایدیه جک سرکیلر اوزرینه
هانکی ولایتلر داخلنده کی املاک احاله سی طلب
اولنیور ایسه اوولایت و امقدار مبالغ ایچون ینک
قبول ایدلسی و نتیجه سنک اوج آیه قدر انبانی لرورمی
متضمن خزینة دن لغراف کشیده سیله اله جق حوابه
کوره املاک مذکورده احاله ایدلرکی تقدیرده نقداً
تسلیمی مشروط اولان تجهیزات عسکریه اطافه سی
نظارت متعلقه سنه و یوزده اون خزینة به تسلیم
قلندقدن صکره املاک مذکورده نک طالبنه تفویضی
خصوصنک محلننه تبلیغی و محالرنجه انجباب ایدن
معامله نک اجرایی لرورمک برده صالحه جق املاک
میاننده منافع و معارف حصه لری داخل بولندنی
تقدیرده بونلره عائد مقدارک مشرتبلر طرفندن
زراعت باقیه سی شعبه و صندوقلرینه بشقه جه نقداً
تأدیه سی طبیی اولوب بالکتر قوصوه مناستر و سلاطینک
ولایتلرنجه ایدیه جک معامله دوللو مفتش باشا
حضر تلیله در دست بخاره اولدیفندن نقد جهته نک
شروط سائر الیه برابر مزاد قائم لرنه درجی
و جوبنک ولایات ثلاثه مذکورده دن ماعدا بالعموم
ولایات والویه انبانی و املاک خزینة جلیله به
تسلیم اولنان سندات مقابلنده طالبنه احاله سی حقدده
محلنه لغراف کشیده ایدلرکی متعاقب سندات
بوردرورلر موجبنه معامله محسویه سنک اجرایی
و املاک بدلتنک عائد اولدنی ولایت امواله املاک
امیر به بدل احاله سی اوله رق ایراد قیدیه مقبوضنک

محالرنه اسرایی لزومی در میان اولنش و بوماده
اساساً اراده سنیه جناب خلافتیاهی به مستند
اولدنی کی اسباب مسروده به نظراً معاملانک تأمین
حسن جربانی ضمنده تدابیر مقررعه نک بروجه محرر
اتخاذی دخی مصلحه مقتضی بولنش اولدیفندن سنه
ایستادنن اعتباراً اووجهله معامله انقاسی و شو قدرکه
مذکور املاک و اراضی ایچون مقتضی سرکی
و صورتلرک قبل الاحاله تماماً طالب بدنده موجود
بولنسنه محل اولدیفندن بدل بیعک ثانی موجود
اولدنی حالد طالبلرک ییلرینک قبولی ضمنده
نظارت مشارالیه مآذونیت اعطاسی و دواثر
متعلقه تبلیغات انقاسی تذکر و موجبنه انجبابی
اجرا ایدلش اولقله عدلیه نظارت جلیله سنجده
اکا کوره اقتضاسنک ایفانسه دواثر ۹ نیشان سنه ۳۳۳
تاریخی تذکره سامه اوزرینه اولوجهله اجرای انجبابی
ضمنده نظارت مشار الیه ان لازم کلنلره تبلیغات
مقتضیه ایفا قلنمشدر .

حاکم وقت قمری

نیکده سنجایی بدایت محکمه سی جزا دواثره سی
رئیس سابق فضیلت و صادق افندینک اوراق انصالیه
و مدافعه نامی ایچمن انتخاب مأمورین عدلیه جه
لدی التذقیق جواز استخدانه قرار و برلشدر .

مهاجر خلیل بن رجیک ماده قتلندن دولانی
جنایتله اتهام اولنان علینک حین ایشاع جرمده
مهاجر بولنسنن ناشی قرقتی ماده قانونیه به توقفاً
یش سنه حبسنه ویدی سنه ضبطیه نظارتی آلتنده
بولندیرلننه دواثر اطرغرل سنجایی بدایت محکمه سی
جزا دواثر سندن اعطا قلنان ۹۴۵ نومرولی اعلام
مراط اوغلی سرکرز ولد چوخی قتل ایدلرکی
ادعا اولنسنن دولانی جنایتله اتهام اولنان منطارجی
آغوب ولد خیره تنک اون یش سنه مدته کورکه
قولنسنه دواثر اطرغرل سنجایی بدایت محکمه سی جزا
دواثر سندن وریلان ۷۵ نومرولی اعلام
غلطه پولیس مأمورلرندن حسن افندینک
کیفیت قتلندن دولانی جنایتله اتهام اولنان ترکچی
عثمان بن رجیک اون یش سنه مدته کورکه قولنسنه
دواثر در سعادت جنایت محکمه سندن اعطا قلنان ۶۸
نومرولی اعلام

یکی بازدارلی عمر بن خلیلی قتل ایدلرکی ادعا
اولنسنن دولانی جنایتله اتهام اولنان درویش بن
زاهدک اون یش سنه مدته کورکه قولنسنه دار
برشته سنجایی بدایت محکمه سی جزا دواثر سندن
اعطا قلنان ۱۸۵ نومرولی اعلام

مثلاً محمدک کیفیت قتلندن دولانی جنایتله اتهام
اولنان علی بن مصطفایک اون یش سنه مدته کورکه
قولنسنه دواثر قونیه ولایتی استیفاف محکمه سی جزا
دواثر سندن اعطا قلنان ۱۲۸ نومرولی اعلام
کورک علی اوغلی یعقوب افندی بی قتل قصدیه
جرح ایدلرکی ادعا اولنسنن دولانی جنایتله اتهام
اولنان کبابچی اوغلی شمشک اوج سنه مدته کورکه
قولنسنه دواثر سیدوب سنجایی بدایت محکمه سی جزا
دواثر سندن اعطا قلنان ۹۴ نومرولی اعلام
چاقچلیق صورتیه فشنگ و اسلحه ادخال ایدلرکی
ادعا اولنسنن دولانی جنایتله اتهام اولنان اسکوبلی
اسماعیل بن عزیزک اوج سنه مدته کورکه قولنسنه دواثر
مناستر ولایتی استیفاف محکمه سی جزا دواثر سندن
اعطا قلنان ۱۱۴ نومرولی اعلام

آتی مأموری عثمان افندینک اوطنه قیوسنک
کلیدنی قیرمق صورتیه تقویدنی سرقت ایدلرکی ادعا
اولنسنن دولانی جنایتله اتهام اولنان خلیل بن
مصطفایک اوج بیچق سنه مدته کورکه قولنسنه دواثر
دیاربکر ولایتی استیفاف محکمه سی جزا دواثر سندن
ایکینجی دفعه اوله رق اعطا قلنان ۴۳ نومرولی اعلام
محکمه تمیز جزا دواثر سنجیه تصدیق قلنمشدر .

۴۷۹ نومرولی نسخده مندرج در سعادت

جنایت محکمه سی اعلامنک مابعدی :

تقریرلرک برنجینسنده اوچوز یکریمی برسنه سی
نیشاننک یکریمی برنجی پنجشنبه کونی ساعت اوج
راده لرنده ترلا باشنده التون بقال زقاغنده ساکن
شابقی آمده قوکیونک خانه سنه سارق دخول
ایدلرکی خبر ویرلمسی اوزرینه بکچی سلجان افانک
مذکور خانه قیوسنه کیتدیکنده ایک شخص جیقه رق
در دست اتمک ایستمش ایسده قما کشیده الیه فرار
ایلش اولدقلری وزیرا زقاغندن اثنای مرورلرنده
مذکور زقاق بکچیسای اسماعیل اغا طرفندن صوتیری
در دستله مرکز کتورلش و اوزرنک تحریسسنده
بر پرووالی مفتاح براکه ظهور ایتمش و مذکور خانه
قیوسنک معاینه سنده مذکور اناختار الیه آجیلوب
قیانقده اولدنی اکلاشلمش و هر قوم صوتیرینک
جزئی مجروح کورلش ایدوکی اشعار وایکینجینسنده
اوچوز یکریمی سنی اغستوسنک اون طقوزنجی
جمع ابرستی کیجه سی ساعت ایک بیچق قرارلرنده
صوتیرینک دیگر بررقیقیه محمودیه جاده سندن فرار
ایتمکده ایکن بکچی محرم و حسین اغا لر جانندن ایدیلان
شبه اوزرینه بالتعقیب در دستلرنه تشب اید جکلری
صرده هر قوم صوتیری بیجاغنی بالتشهر مرقوماندن

حسین اغای جرح ایدلرکی استخبار ایدلکده عندالتعقیب
مرقوماندن صوتیری محمودیه جاده سنده در دستله
مرکز کتورلش و اجرا قلنان تحقیقات واستجوابانده
فرمه جیلرده کانی براسیمونک بقال دکانه کی آصمه
کلیدی و مفتاحه و دیگر کلید محلی اسقاریله بیوریه
کشاد و درونه بال دخول یته اسقاریله الیه چکمه سی
شکست ایدرک دروننده بولنان در تیوز غروش
اوقاقلق ایجه سی سرقت ایدلرکی مرقوم براسیمو
افاده ایتمش و اثنای فرارلرنده صوتیرینک آتمش
اولدنی اسقاریله نک مشمع غلافی دکان دروننده
بولنه رق لدی التطبيق موافق کلش و بکچی حسینی
دخی جرح ایتمش و صوتیرینک استجوابانده رفیق
اولدنی و سرقتدن و حسینک جرحندن معلوماتی
بولندنی و اسقاریله و بیجاغنی کتدوسنک اولدنی
سولش ایدوکی ازار قلنمش و اوچینسنده سنه
مذکورده تشرین اولنک درنجی کونی ساعت ایک بیچق
راده لرنده اوج شخصک قازلی چشمه خرستونک
خانه سی قیوسنی اناختار الیه کشاده تصدی ایتمکده
اولدقلرینک کورلمسی و خانه صاحبنه خبر کوندرمش
اولدقلرینی اشخاص مرقومه نک حس ایتمی جهته
فرار ایستکلری و بونانی میجو طرفندن یالکتر
صوتیری در دستله مرکز کتورلش واستجوابانده
بالقی به زیارت ایچون کیتکده ایکن بونی قائب ایتمش
اولدنی و سرقته تصدی ایتمدیکنی سولش و اجرا
قلنان تحقیقاندن مرقوم صوتیرینک دیگر ایک رفیقیه
مرقوم خرستونک خانه سی قیوسنی آچمه تصدی
ایدلرینک کورلمسی اوزرینه فرار ایدلرکینک
اکلاشلمش اولدنی مندرج بولنش و راپورلرنده
دخی صوتیرینک بر آت قاطعه الیه حاصل صول
فخذی ثلث علوی انیسینسنده بر بیچق سانیتمرو
طولنده عقی عضلاته قدر بر عدد جرحه مشاهده
ایدلش و سکرز کون صکره تکرار معاینه سی اقتضا
ایتمکده بولنش و بکچی حسینک بر آت قاطعه الیه
حصوله کلش صول عضدی ثلث علوی و وحشینسنده
اوج سانیتمرو طولنده عقی تحت الجلد سیر ایدرک
اوج سانیتمرو انیسینسنن خروج ایدلرکی و اون ایک
کونده یوز یکریمی غروش اجرته کسب التیام
ایستدینک اکلاشلمش اولدنی کورلشدر .

قرائت اولنان اوراق مندرجانه قارشو نه
دیه چکی متهلردن صورلقدده مرقوماندن صوتیری
کوندزین ترلا باشنده جرح ایدلرکی و جرحیه نک
اون یش کون قدر مدت ظرفنده التیام بولندنی
و سرقت و جرح و تشهر سلاحدن معلوماتی اولدنی
والفرد دخی دیه چکی اولدنی سوبیلر .

مدعی عمومی ک مقامندن اعطا اولنان ایک قطعه
شهود بوسله سنده اسملری محرر اولوب دعوت واقعه به
انباعاً ورود ایستکلری خبر وریلان شاهدلر یکن
یکان حضور محکمه به چقاقرله رق لدی السؤال طرفینه
برکونه قرابت و خصوصت و مناسبتلری اولمدنی
اکلاشلقدن و علی الاصول امر تحایلری اجرا
فلندقدن صکره منقداً و مواجهه استماع اولندقلرنده
بونلردن ترلا باشی موقعنده مستخدم اولوب پولیس
قومیسرلرندن بولنان قرق ایک باشنده ایکلی محمد
افندی بن عبده شابقی آمده قوکیونک خانه سنه
برای سرقت کیرمسندن طولانی بالتعقیب در دستله
مرکز کتورلش اولان متهلردن صوتیرینک
اوزرنن بر پرووالی اناختار ظهور ایتمکده مذکور
خانه نک قیوسنی معاینه ایستدیکنده قولایقله آجوب
قبادیغنی کوردیکنی و با زورنال مرجع لرنه کوندردکن
صکره دیگر بیاض براناختارک دخی مرقوم صوتیرینک
اوطوردنی برده بولنه رق بالمعاینه و اناختارک دخی
مذکور قیونی آجوب قبادیغنی اکلاشلدنی و کیمک
طرفندن جرح ایدلرکی بیلمدیکنی و سرقت ایچون
خانه به کیرمدیکنی سوبیلدیکنی افاده مضبوطه سی وجهله
بیان و مذکور خانه دن بر ایکنه الیه بر قاق قاشیق
سرقت ایدلش اولدنی و شهادت حضور محکمه ده کی
متهلردن صوتیری به عائد ایدوکی ایان ایدلی .

مهم صوتیری اوزرنن بر شی ظهور ایتمدیکنی
و چونکه کندوسنده اوله برشی اولش اوله یوله
آنه بیلک قابلتی موجود ایدوکی سوبلدی .
(مابعدی کله حک نسخته به)

یواکک سرقته جرأتی ثابت اوله مدیفندن برانته
جایی احمدک محله اره سنده سلاح آندنی
اکلاشله مدیفندن برانته
مصطفی الیه استاورینک ایراث خسار فعلانه
جرأتلری ثابت اوله مدیفندن برانته
اجرای وظیفه حالنده ابراهیم اغای ضرب ایدن
پولیس چاوشی حسن افندینک برهفته حبسنه
حقوق محکمه سنده بلان بره بین ایدلرکی اقرار الیه
ثابت اولان محمود قاقق افندینک التی آی حبسنه
در سعادت ، بک اوغلی و اسکدار بدایت محکمه لری
جزا دواثر لرنجه قرار و برلشدر .

اعلانات

بک اوغلی بدایت محکمه سی برنجی مرقوم دواثره سنده :
بشکطاشده بکی محله ده حلاج زقاغنده ۷ نومرولی

خانه ده مقیم بقال یا قونک بشکطاشده ساکن ایکن
بودن مقدم فوت اولان ساعتی قسطی ولد یانی
قسطنبدی به اقراض ایلدیکی اوچبوز طقسان عدد
لیرای عثمانی مقابلنده مدیون متوفای مرقومک
بشکطاشده کوی ایچنده روم مکتبی زقاغنده (۱)
نومرو ایله مرقم متصرف اولدینی حدائقالی توسیع
قلنمش بر باب خانه سی اوچ سنه وعده ایله عهده سنه و قاء
فراغ اولنهرق مدعی یا قونک دخی بیع مرهونه
توکیل قلنمش اولدینی حالده مدیون مرقومک ادای
دین ایتمکسزین اخیراً وقوعوفاته منی بکانه وارثی برنفر
صلبی کیرمخدومی اسکندریه ده « زقارالی مغازه سنده »
مستخدم یانی ولد قسطی قسطنبدیسدن مذکور
رهنگ فروختیله اتمانندن مدعابه اوچبوز طقسان
لیرانک مع فائض و مصارف محاکمه تحصیلی حکمنی
حاوی لاحق اولان اعلامک بر قطعه صورت مصدقہ سی
محل مذکورده لاجل التبلیغ کوندلمشده بولنه مامسندن
طولانی تبلیغ ایدیلرک اعاده قلنمش اولدیغندن اعلام
مذکور اصول محاکمه حقوقیه قانونک یکرمی التنجی
ماده سنک فقره اخیرہ سی حکمنه توفیقاً تبلیغ مقامنده
اولق اوزره محکمه دیوانخانه سنه تعلیق اولدینی کبی
اوراق حوادثه دخی اعلان کیفیتہ ابتدار قلندی .

اسکدار بدایت محکمی مقوقہ دائرہ سنده :

اسکدار نظامیه فروشنده نان عزیز طبله کاری
ارکوبلی حسین اغانک نان عزیز پوصله لری بدلرندن
ذمتنه کچوردیکی مبالغتک تأمین استیفاسیچون مذکور
فرون مأموری عساکر شاهانه قول اغالرندن فتوتلو
عثمان افندی سنک اسکدار بدایت محکمه سی قراریله
درسعادتده ایاصوفیه کیرده قرق طقوز نومرولی
بربر کدکی نامیله معروف بر باب اشجی دکانی ایله
فوقانی ایکی اوطهی حیز آلتنه الیرمش اولدیغندن
مذکور حیزک تصدیقنه و مذکور پوصله بدللری اولهرق
اوتوز بش بیک غروشک حسین اغادن بالتحصیل
مومی الیه اعطاسنه دائر محکمه مذکورده دن صادر
اولان ۱۶ مایس سنه ۳۲۲ تاریخلی و یوز نومرولی
اعلام غیابی صورت مصدقہ سی محکوم مرقومک
اقامتگاهی مجهول اولمقدنشانی اصول محاکمه حقوقیه
قانونک یوز قرق طقوز تنجی ماده سی موجبہ سلیمیه
محله سی امامی افندی به تسلیم و دیگر صورت مصد
قہ سی دخی محکمه دیوانخانه سنه تعلیق قلنمش اولد
یغندن غزنه ایله ده اعلان اولنور .

تجارت بحریه محکمه سنده :

استانبولده امین اوکنده مقیم تجاردن مفلس
خلیل افندی سنک تحقیق دیون معاملاته ابتدار اولنه جغندن
مرقوم ذمتنده اله جنی اولانلرک اوراق مثبتہ لری
حامل اولدقلری حالده ۳۲۲ سنه سی جزیرانک
یکرمنجی صالی یکرمی برنجی چهارشنبه و یکرمی
ایکنجی پنجشنبه کونلری ساعت التیدن طقوزده قدر
تجارت بحریه محکمه سنک مصالح افلاسیه رؤیتنه
مخصوص اوطه سنه بالذات ویا بالوکاله مراجعت ایدرک
اله جقلری تحقیق دیون دفترینه قید ایتدیرملری
لازم کله چکی وایام مذکورده ظرفنده مراجعت ایتمیانلر
حقنده تجارت قانونک ۲۱۰ نجی ماده سی احکامنک
موقع اجرایه قونیله جنی اعلان اولنور .

محکمه تجارت اجراء دائرہ سنده :

مفلس زلیجی توفیق بالقجیانک (تعبیر دیگرله
انوبک) تسویه دیونانی ضمتنده قوجه مصطفی پاشا
محله سنده بربر قالوص زقاغنده اون سکز نومرو ایله
مرقم اولوب چاتی آرسيله برابر درت قات اوزرینه
منی بش اوطه و درت صفه و بر تراسه و بر مطبخ
وقیو و صهرنج و بر مقدار باغچه و مشتملات سائرہ بی
حاوی شهری یوز قرق غروش ایچاره متحمل
کارکیر بر باب خانه ایله صانیه ده کموش خلقه لی زقاغنده
اون بش نومرو ایله مرقم شهری یوز غروش ایجار
کتورر دکانده وقرنآلده صوغانلق جاده سنده ارمی
کلیسای قارشوشنده یکرمی درت نومرولی علی التخمین
درنیوز الی زراع عتیق مقدار بر قطعه عرصه ده
متصرف اولدینی ثلث حصه لری اشبو مایس رومینک
اوتوز برنجی کوندن اعتباراً اون بش کون صکره
موقع مزایده به قونیله جغندن اشتراسنه طالب اولانلرک
وبوندن زیاده معلوت المی ایستیانلرک محکمه تجارت
اجرا دائرہ سنه مراجعت ایللری اعلان اولنور .

درسعادت اعمومات نظامیه اجراء دائرہ سنده :

محمد علی افندی سنک با اعلام نظامی کریاتو ذمتنده
محکوم به اله جغتنک تأمین تسویه سیچون مدیون
مرقومک پدرندن منتقل لافده کاتب قاسم محله سنده
ال بویاجیلر زقاغنده کائن تخمیناً بشیوز اوتوز طقوز
بیچق ذراعدن عبارت دروننده ال بویاجی کدکنی حاوی
اون الی نومرولو مقدما دکان والیوم بر قطعه عرصه
ایله وینسه محل مذکورده بر طرفدن حمام زقانی
و بر طرفدن دکرمن زقاغیله ال بویاجیلر جاده سیله
محدود و تخمیناً الی یوز یتمش ایکی ذراع بر نومرولو
بر قطعه عرصه تمام سنک تاریخ اعلاندن اعتباراً اون

بش کون صکره بالمزایده فروخته تشبث اولنه جنی
درسعادت اعلامات نظامیه اجرا دائره سندن اعلان
اولنور .

بک اوغلی بدایت محکمی اجراء دائرہ سنده :

ایمان اوغلی محمد اغانک مصطفی و محمد وحسین
اغالر ذمتلرند محکوم به اله جنی اولان مبالغ معلومه نک
مع فائض و مصارف محاکمه تأمین استیفاسی ضمتنده
مصطفی و حسین اغالرک مالی اولوب بر قطعه استیناف
اعلامی ایله مبالغ معلومه به مقابل ظاهرده قطعی
و حقیقتده رهن اولق اوزره داین مرقوم عهده سنده
مقید بولنان طویخانده سف کتبخدا محله سنده متصرف
اولدقلری ۳ و ۵ نومرولرله مرقم تخمیناً قرق اوچ
ذراع مقداری عرصه اوزرینه منی تحتانی و فوقانی
صغیر و کبیر درت اوطه و اوستنده دراجه بی و تحتنده
کمرجی مغازه سی مشتمل بر باب کارکیر دکانک
ثلثان حصه شایه لری بدل رهندن فضلہ سنه شامل
اولق اوزره بالمزایده فروختی تحت قراره آلتش
اولدیغندن تاریخ اعلاندن اعتباراً اون بش کون
صکره طالب اولوب دها زیاده معلومات المی ایستیانلرک
بک اوغلی بدایت محکمه سی اجرا دائرہ سنه مراجعت
ایللری اعلان اولنور .

یونان دولتی تبعه سندن مقدما « آ » پراماتیو
زوجہ سی والیوم انکلتزه دولتی تبعه سندن فرائق
دوسی زوجہ سی آنا نام دیگر انازولا قادی نک یونان
دولتی درسعادت قولسلا تونسنک لازم الاجرا بر قطعه
اعلامی موجبہ دولت مشارالیه تبعه دن میخاله
کریکلی ولازار کریکلی ذمتلرند معلوم المقداد
اله جغتنک تأمین استیفاسی ضمتنده مدیومومی الیه مایه
بدرلری متوفی الکساندر کریکلیدن عادیاً انتقال
ایدن بک اوغلنده مارغربت زقاغنده اون بش نومرو
ایله مرقم درت اوطه و بر اوفق دراچه و بر قیو و بر
صهرنجی شامل بر باب کارکیر خانه ده کی نصف حصه
شایه لری اوزرینه قبل المحاکمه وضع ایدیلان حیزک
تصدیق بک اوغلی بدایت محکمه سی برنجی حقوق
دائرہ سندن صادر اولان حکم اعلام اقتضاسندن
اولغله بر موجب حکم اعلام تاریخ اعلاندن اعتباراً
اون بش کون صکره مذکور نصف حصه شایه نک
بالمزایده فروخته تشبث اولنه جنی بک اوغلی بدایت
محکمه سی اجرا دائرہ سندن اعلان اولنور .